

HIERONYMUS.

EΥΣΕΒΙΟΣ.

EUSEBIUS.

bit Hieronymus in voce ASIROTH, & voce JABIS GALAAD. *Pella* nomen accepit à Pella Macedoniæ metropoli: nam & hæc trans Jordanem *Pella* ferè à Macedonibus, qui in Asia sub Alexandro stipendia meruerant, fuit habitata: hinc & apud Josephum Lib. xiiii. Antiq. Cap. 23. habetur *Alexandrum Judæorum regem, cum Pellam expugnasset, eam diruisse, quod incolæ recusarent Judaicos ritus recipere: ex quo satis colligitur incolas gentiles & externos extitisse.*

PELUSSUM, Ægypti urbs Plinio, Straboni, Stephano, Ptolemæo, Josepho, & huic quidem in Ægypti finibus, hoc est in ipso Ægypti aditu euntibus à Palæstina in Ægyptum; Hebraicè פלסטין dicitur: eam quidam esse putant, quæ hoc tempore *Damieta* appellatur. Ab urbe nomen factum Pelusiaco ostio, quod è Nili ostiis primum versus orientem occurrit.

PENTAPOLIS, cujus fit mentio Sap. x. v. 6. regio fuit amœnissima ad Jordanem, *quinque urbes*, ut vox ipsa sonat, habens, *Sodomam, Gomorrhæam, Adamam, Seboim, Segor.* Hanc Deus ob infanda incolarum peccata misso cælitus igne exussit, præter Segor è quinque minimam, cui ad preces Lot parcitum est. Eo in loco, quem vastavit incendium, lacus erupit, quem Asphaltiten lacum, vel mare mortuum appellamus. Vide Gen. xix. & ibi supra Sap. x.

PERCUSSIO OZÆ, locus ita dictus juxta Hierosolymam, in quo Oza à Deo fuit interfectus, quod ausus fuisset manu arcam inclinantem attingere, 2 Reg. vi. v. 8. idem locus 1 Paral. xiii. v. 11. dicitur *Divisio Ozæ.* In Hebræo utrobique una est eademque vox פֶּרֶץ חֲזָזָה *Perets Huzza*, quæ significat *divisionem, destructionem.*

PERGAMUS, Troadis urbs in Minore Asia, quæ una fuit è septem, ad quarum Angelos seu Episcopos scripsit S. Joannes suam Apocalypsim.

PERGE, urbs Pamphyliæ in Asia Minori Ptolemæo, Straboni, Plinio, Stephano, imo & Scripturæ Sacræ Act. xiiii. v. 13.

PERSEPOLIS, cujus fit mentio, 2 Machab. ix. v. 2. Perfidis Urbs Ptolemæo, Straboni, Plinio, Stephano; eademque teste Plinio Lib. vi. Cap. 26. regni caput.

PERSIS, Asiæ regio trans Chaldæam & Babyloniam.

¹ *PETRA, civitas Arabiæ in terra Edom, quæ cognominata est Jechthael, & à Syris Recem dicitur.* ² Πέτρα, πόλις ἐν γῇ Ἐδὼμ τῆς Ἀραβίας, ἥτις ἐπεκλήθη Ἰεχθὼλ, ἡ καὶ Ρέκεμ παρὰ Ἀσσυρίοις ὀνομάζεται. PETRA, urbs in terra Edom Arabiæ, quæ cognominata est Jechthael, quæ & Rekem apud Assyrios nominatur.

ταί.

PETRA DIVIDENS, 1 Reg. xxi. v. 28. ita dictus locus, quod Saul, occasione Philisthæorum sese in Judæam effundentium, coactus est à Davide persequendo desistere, & retro abire, ut Philisthæis se opponeret.

PETRA ETAM, ubi Samson delituit in tribu Juda, Judic. xv. v. 8, 11.

PETRA OREB, in qua Oreb unus è regulis Madian comprehensus ab Ephraimitis, Gedeone Madianitas persequente, interfectus est, à quo & huic Petræ nomen inditum. Fuit hic locus cis Jordanem, & ab eo non procul, inter mare Galilææ & Mare Mortuum, quantum è tota historia & circumstantiis colligi potest, etsi certum ei locum nemo facile definiat; fit hujus mentio Judic. vii. v. 25. Isaïæ x. v. 26.

PETRA REMMON, cujus fit mentio Judic. xx. & xxi. quod Benjaminitarum prope deletorum reliquæ profugerunt. Ubi fuerit supra modum obscurum est; in deserto ponit Josephus: sed quodnam desertum intelligat obscurum est, cum & in tribu Benjamin esset solitudo Jericho, & in tribu Juda desertum ad meridiem, quæ in diversis partibus diversa sortitur nomina. Malim de hoc posteriore intelligere; siquidem non aliam esse puto *Petram Remmon & Collem Remmon*: at *Collis Remmon* (quod *collem malogranati* significat) ponitur ad Austrum Jerusalem, Zach. xiv. v. 10. atque adeo & in tribu Juda, vel certè Simeonis. Adde quod in harum altera legamus *Remmon* civitatem. Jos. xv. v. 32. & xix. v. 7. & 1 Paral. iv. v. 32. 2 Esdræ xi. v. 29.

N O T A.

1. *Petra* Arabiæ Petræ fuit metropolis, à qua & nomen accepit: ubi autem ea urbs sita fuerit non omnium eadem est opinio. Adrichomius, ubi de *Ar* loquitur, eandem urbem vult esse tribus hisce nominibus nuncupatam, *Ar, Aroër, & Petram*; atque adeo *Petram* in regione esse Moabitide, aut tribu Gad Trans-Jordanina, & pro eadem opinione Brochardum citat. Verum tres esse urbes diversas *Ar, Aroër, Petram*, mihi dubium non est: inter *Ar & Aroër* discrimen esse statuendum supra in *AR* ostendimus. *Petram* ab utraque priore distingui probari potest. Primo, quia *Ar & Aroër* multo Bo-realiores erant, utpote juxta Arnon, quin & toto mari mortuo Bo-realiores: *Petra* verò, si Ptolemæi tabulis credimus, toto mari mortuo Australior erat. Secundo quia *Aroër* in tribu Gad erat, olimque Moabitarum fuerat, *Ar* semper Moabitarum urbs fuit; at *Petra* vel in terra Edom fuit, ut hic seu Hieronymus, seu Eusebius asserit, vel in regione Madianitide trans Jordanem, ut Josephus Lib. iv. Ant. Cap. 7. siquidem hanc urbem Arabum primariam dictam asserit *Recem*, vel *Receme* ab uno è Madianitis regibus, qui adversum Israëlitas tempore Moyfis pugnarunt, cujus nomen erat *Recemus*; cujus nomen etiam in Scriptura, ubi hoc bellum refertur, proditur, Num. 31. v. 8. Quod autem ab Eusebio vel Hieronymo hic in terra Edom collocetur, à Josepho in terra Madian, idcirco fortè factum, quod in utriusque regionis confinio esset, & modò ab his, modò ab illis populis possessa sit. Tertiò Josephus Lib. iv. Ant. Cap. 4. vult montem Hor, in quo

Aaron mortuus est, fuisse in agro hujus urbis *Petræ*; ergo non potest esse eadem cum *Ar* vel *Aroër*, sed debet esse multo Australior, utpote in finibus terræ Edom, ut habetur Num. 20. v. 23. & Num. 33. v. 37. Addo denique nec isti suæ opinioni satis Adrichomium adhærescere, cum ubi de *Petra* agit, eam reponat juxta montem Hor, & in tabula Chorographica eam ab Aroër (quam eandem esse putat cum *Ar*) distinguat. Hæc non tantum *Recem* dicta est, ut hic & apud Josephum asseritur, sed etiam *Arcem* dictam asserit Josephus Lib. iv. Ant. Cap. 4. sunt qui eandem *Nabatha* dictam velint. An hujus *Petræ* alicubi meminerit Scriptura, quæstio esse potest: sunt qui non improbabiler ejus fieri mentionem putent, Isaïæ 16. v. 1. ubi *Petra deserti* dicitur; item Isaïæ 42. v. 11. ubi *habitatores Petræ* ad Dei laudes promendas provocantur. Hujus in lib. hoc de lobis Hebr. sæpius fit mentio. Ab hac diversa videtur esse *Petra* illa, cujus fit mentio Judic. 1. v. 36. quæ cum Ascensu Scorpionis jungitur, fuitque in extremis Judææ ad Austrum finibus, in Idumæorum vel Amalecitarum montibus Judæam ab ipsorum regione determinantibus. Josephus Lib. iii. Ant. Cap. 2. Amalecitarum urbem facit. Et hæc *Petra* posterior est illa, quæ ab Amasia rege nomen *Jechthel*, accepit, 4 Reg. 14. v. 7. BONFRERIUS.

2. Πέτρα καὶ τὰ ἔξω. Hæc omnia deerant in Editione Bonfreriana, in qua legebatur sola *Hieronymi* versio. Itaque sunt à nobis ex nupera Parisina suppleta. CLERICUS.

Q 2

PHAL.